



BARAZA LA WAWAKILISHI – ZANZIBAR

ORODHA YA SHUGHULI ZA LEO

BARAZA LA TISA LA WAWAKILISHI

MKUTANO WA KUMI

Kikao cha Ishirini – Tarehe 05 Juni, 2018.

Kikao Kitaanza Saa 3.00 (Tatu) Asubuhi
na Dua itasomwa.

I. TAARIFA YA SPIKA:

II. MASWALI:

Ofisi ya Rais, Tawala za Mikoa, Serikali za Mitaa na Idara Maalum za SMZ:

96. MHESHIMIWA OMAR SEIF ABEID (Jimbo la Konde) -
Atamuuliza Mheshimiwa Waziri wa Nchi, Ofisi ya Rais,
Tawala za Mikoa, Serikali za Mitaa na Idara Maalum za
SMZ:

Kwa kuwa msimu wa mvua wa mwaka huu unategemewa kuwa na mvua kubwa kutokana na utabiri ambao ulitolewa na Mamlaka ya Hali ya Hewa Zanzibar. Na kwa kuwa wapo wenzetu ambao wamejenga kwenye mitaro ambayo imejengwa toka zamani lakini kutokana na kuachwa kufanyiwa matengenezo na Halmashauri ya Wilaya ya Micheweni, mitaro hiyo imeziba.

- (a) Je, ni kwanini Halmashauri ya Wilaya ya Micheweni ikashindwa kuiendeleza mitaro hiyo sambamba na

kuzuia ujenzi ambao haufuati utaratibu wa mipango miji ambapo ramani ya mji wa Konde (Master Plan) ipo kabla ya Mapinduzi Matukufu ya mwaka 1964.

- (b) Je, Halmashauri ya Wilaya ya Micheweni ina mpango gani wa kusimamia kikamilifu ujenzi pamoja na kuhakikisha wanawadhibiti wale wote waliovunja sheria za ujenzi na mipango miji wa Konde na kwengineko.

Ofisi ya Rais, Katiba, Sheria, Utumishi wa Umma na Utawala Bora:

- 150. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Nchi, Ofisi ya Rais, Katiba, Sheria, Utumishi wa Umma na Utawala Bora:

Kumekuwa na malalamiko kwa Mahakama Pemba kuwa kesi zinaahirishwa wakati mashahidi wameshafika na wameshatumia nauli ya shilingi 600/= kwenda na kurudi na wanapoitwa siku ya pili hawaji kwa vile nauli zao hawalipwi.

- (a) Je, Mahakama Pemba hawapatiwi fungu la fedha kwa ajili ya kuwalipa mashahidi.
- (b) Je, kitendo cha kutowalipa nauli mashahidi na wakiwa hawaji mahakamani hatuoni kuwa tunachelewesha mwenendo wa kesi na kuwakosesha watu haki zao na kwa kuwa haki inayochelewesha ni sawa na kutotolewa kabisa.

Wizara ya Fedha na Mipango:

- 58. MHESHIMIWA MWANAIDI KASSIM MUSSA (Nafasi za Wanawake) - Atamuuliza Mheshimiwa Waziri wa Fedha na Mipango:

Tunaipongeza Serikali ya Mapinduzi ya Zanzibar kwa kuanzisha mfumo wa utoaji wa fedha kwa mashine za kielektroniki (ATM) kwa ajili ya kurahisisha upatikanaji wa huduma hiyo kwa wananchi. Licha ya majibu yanayotolewa mara kwa mara na Wizara husika, bado huduma hiyo inakumbwa na changamoto kadhaa ikiwemo kukosekana kwa mtandao pamoja na kumalizika fedha katika mashine hizo.

- (a) Kwa nini katika mashine zetu za utoaji wa fedha (ATM) hutokezea usumbufu wa ukosefu wa fedha mara kwa mara.
- (b) Je, ni sababu zipi zinazopelekea mashine hizo kuharibika mara kwa mara.
- (c) Je, Wizara imejipanga vipi kukabiliana na tatizo hilo.

Wizara ya Elimu na Mafunzo ya Amali

95. MHESHIMIWA BAHATI KHAMIS KOMBO (Jimbo la Chambani) - Atamuuliza Mheshimiwa Waziri wa Elimu na Mafunzo ya Amali:

Pamoja na jitihada kubwa za Serikali kuimarisha mwenendo mzima wa elimu pamoja na kuajiri walimu wenye sifa na viwango vinavyohitajika, kumekuwa na tatizo la kutokuwepo mashirikiano kwa baadhi ya walimu na wanafunzi na baina ya walimu, kamati za skuli na wanafunzi.

- (a) Je, Wizara inafahamu uwepo wa tatizo hili.
- (b) Na kama inalifahamu, Wizara imechukua hatua gani.

Wizara ya Afya:

70. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Afya:

Hivi karibuni wakati akizungumza na watendaji wa sekta ya Afya, Mheshimiwa Waziri alisema kuwa wapo wafanyakazi wanaotumia fedha nyingi masomoni ambapo wanamaliza hawarudi tena.

- (a) Hatua gani zinachukuliwa kuwatafuta wahusika.
- (b) Wafanyakazi wangapi wamepatikana na kadhia hiyo na hatua gani zimechuliwa dhidi yao.

72. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Afya:

Mnamo tarehe 3/3/2018, Waziri wa Afya ameripotiwa na vyombo vya habari akikiri kuwa Kitengo cha Moyo cha Hospitali ya Mnazi Mmoja hakina vifaa wala dawa.

- (a) Je, ni muda gani Kitengo hicho kimekuwa hakina dawa na vifaa hivyo.
- (b) Je, hatua gani zimechukuliwa kukabiliana na ukosefu huo.

Wizara ya Ardhi, Nyumba, Maji na Nishati:

92. MHESHIMIWA OMAR SEIF ABEID (Jimbo la Konde) - Atamuuliza Mheshimiwa Waziri wa Ardhi, Nyumba, Maji na Nishati:

Kwa kuwa maji ya kisima cha Konde kwa Mchina hayafai kunywa kutokana na maji hayo kuwa na mabaki ya tope na kutu inayosababishwa na uhalisia wa kisima pamoja na kuchelewa kusafisha kisima hicho, ambapo wananchi huyatumia maji hayo kwa kufulia na kazi nyengine tu.

- (a) Je, ZAWA kupitia wataalamu wake, wanalifahamu tatizo hilo la maji yanayotoka kwenye kisima hicho na kama wanalifahamu ni sababu gani hadi leo halijapatiwa ufumbuzi.
- (b) Je, ZAWA ina mpango gani wa kukisafisha kisima hicho kila mara na ni gharama kiasi gani huhitajika kukisafisha kisima hicho ili kiweze kutoa maji safi ambayo hayatakuwa na athari kwa matumizi ya kunywa.
- (c) Je, ni lini kwa mara ya mwisho ZAWA walikisafisha kisima hicho ikizingatiwa kwamba hadi leo bado hali ya maji yanayopatikana kwenye kisima hicho sio mazuri ukilinganisha na maji yanayo patikana kwenye visima vilivyochimbwa na watu binafsi majumbani mwao.

III. HOJA ZA SERIKALI:

Waziri wa Afya:

Kwamba Baraza hili lijadili Makusudio na Shabaha zilizomo katika Makadirio ya Mapato na Matumizi ya Wizara ya Afya kwa mwaka 2018/2019.

Zanzibar,
05 Juni, 2018.

(Raya Issa Msellem)
KATIBU WA BARAZA.